



## Fréttir af verkefninu og staða framkvæmda

---

- **Jarðvegsframkvæmdir við nýjan meðferðarkjarna**
  - **Frágangur meðfram kvennadeild**
  - **Gerð bílastæða við vesturgafi Gamla Spítala**
  - **Gerð undirganga undir Gömlu Hringbraut**
  - **Frágangur bílastæða við Eiríksgötu**
  - **Frágangsvinna við gatnamót Laufásvegjar og Gömlu Hringbrautar**
  - **Akstursleið inn á framkvæmdasvæði meðferðarkjarna frá Læknagarði**
-

## Jarðvegsframkvæmdir við nýjan meðferðarkjarna. (Sjá nr. 1 á korti)



Vinna við sprengingar og uppgröft nýs meðferðarkjarna heldur áfram og gengur vel. Framkvæmdasvæði meðferðarkjarnans er nú komið í fulla stærð og fara bergstyrkingar á vestari hluta kjarnans að byrja. Framkvæmdasvæðið er vaktað og er öll óviðkomandi umferð um svæðið bönnuð.

## Frágangur meðfram kvennadeild. (Sjá nr. 2 á korti)



Vinna við uppsteypu á tengigangi austan kvennadeildar er lokið. Búið er að fylla yfir tengiganginn og malbika akbraut yfir sem liggur til austurs neðan við Gamla Spítala. Yfirborðsfrágangur milli akbrautar og kvennadeildarhúsi er í fullum gangi, en þar kemur snjóbræddur, hellulagður göngustígur. Núverandi göngustígur á akbraut er til bráðabirgða.

## Bílastæði við vesturgafli Gamla Spítala (Sjá nr. 3 á korti)



Vinna við ný bílastæði við vesturgafli Gamla Spítala er hafin. Sprengivinnu við lækkun á klöpp undir bílastæðum lýkur í vikunni og í framhaldinu hefst uppbygging á grjóthleðslum og öðrum frágangi.

## Gerð undirganga undir Gömlu Hringbraut. (Sjá nr. 4 á korti)



Áfram er unnið að uppslætti og steypuvinnu við stoðveggi og undirgöng. Búið er að steypa plötu yfir undirgöngum og er uppsláttur kantbita plötu hafinn. Vinna við stoðveggi í tengslum við undirgöng er einnig í fullum gangi. Lagnavinnu á svæðinu er að mestu lokið. Vakin er athygli á því að gönguleið er núna frá Læknagarði og upp á Bústaðaveg og þar meðfram til að komast að geðdeild. Ekki er opin gönguleið í gegnum framkvæmdasvæðið. Framkvæmdir í og við undirgöng munu standa yfir fram á haust.

## Bílastæði við eldhús og rannsóknastofur við Eiríksgötu. (Sjá nr. 5 á korti)



Búið er að ganga frá bílastæðum við Eiríksgötu. Bílastæðin eru ætluð fyrir sjúklinga og eru með snjóbræðslukerfi.

Eftir á að reisa hjólaskýli við vesturenda bílastæðis. Hönnun á skýli er lokið og framkvæmdir við byggingu þess hafnar. Stefnt er að opnun hjólaskýlis í október.

## Frágangsvinna við gatnamót Laufásvegar og Gömlu Hringbrautar. (Sjá nr. 6 á korti)



Frágangsvinna í kringum gatnamótin heldur áfram. Búið er að helluleggja gönguleið í veginn í beygjunni við Barnaspítalann. Hafin er lóðarvinna sunnan við Gömlu Hringbraut við strætisvagnstöðina, en ný hellulögn verður lögð á svæðið sambærileg við þá sem búið er að leggja norðanmegin við Gömlu Hringbraut og sett verður upp nýtt strætisvagnaskýli.

Athygli er vakin á því að til að tryggja aðgengi strætó um Barónsstíg er bann við bifreiðastöðum við austurkant Barónsstígs milli Eiríksgötu og Laufásvegar.

Starfsmönnum Landspítala er bent á að leggja ekki á þessu svæði.



Athygli er einnig vakin á því að allur akstur frá Vatnsmýrarvegi, við jaðar framkvæmdasvæðis, upp á Gömlu Hringbraut er bannaður nema akstur strætisvagna.


## Gæta skal varúðar við akstur í námunda við vinnusvæði meðferðarkjarnans. (Sjá nr. 7 á korti)



Allur akstur vinnutækja inn á vinnusvæði meðferðarkjarnans er nú frá götu út frá Læknagarði. Búið er að merkja gönguleiðir og göngubrautir yfir götuna fyrir gangandi vegfarendur en öikumönnum er bent á að sýna aðgát við akstur á svæðinu.

# Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmiðlum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið [asbjorn@nlsh.is](mailto:asbjorn@nlsh.is)

Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is).

Sértækar upplýsingar veitir af hálfu Landspítala Stefán Hrafn Hagalín 897 3644 [stefanhh@landspitali.is](mailto:stefanhh@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)